



Broj: 03/10-50-18-43-15/24

Sarajevo, 09.12.2024.

Istraživanje broj: 367

Vrsta istraživanja: **PO**

**KOEFICIJENTI, OSNOVICE I NETO PLATE
ORUŽANIH SNAGA BOSNE I HERCEGOVINE,
GRANIČNE POLICIJE BOSNE I HERCEGOVINE,
FEDERALNOG MINISTARSTVA UNUTRAŠNJIH POSLOVA
I MINISTARSTVA UNUTRAŠNJIH POSLOVA REPUBLIKE SRPSKE**

Pripremio:

Aleksandar Mičić

Istraživanje je namijenjeno poslanicima i delegatima, koji mogu postaviti dodatna pitanja, sugestije i komentare na email adresu: istrazivacki.sektor@parlament.ba.

Javnost Bosne i Hercegovine može komentirati radove, ali Istraživački sektor nema mogućnost da odgovara na komentare i diskutira o istraživanju.

Informacije navedene u sadržaju istraživanja važeće su u trenutku pripreme istraživanja i one se ne ažuriraju nakon objave istraživanja.

Istraživanje ne odražava zvaničan stav Parlamentarne skupštine Bosne i Hercegovine (PSBiH).

Sadržaj

Uvod.....	1
Oružane snage Bosne i Hercegovine	1
Granična policija Bosne i Hercegovine	5
Federalno ministarstvo unutrašnjih poslova	7
Ministarstvo unutrašnjih poslova Republike Srpske.....	10

**KOEFICIJENTI, OSNOVICE I NETO PLATE
ORUŽANIH SNAGA BOSNE I HERCEGOVINE,
GRANIČNE POLICIJE BOSNE I HERCEGOVINE,
FEDERALNOG MINISTARSTVA UNUTRAŠNJIH POSLOVA
I MINISTARSTVA UNUTRAŠNJIH POSLOVA REPUBLIKE SRPSKE**

Uvod

U ovom radu je predstavljen sažet prikaz podataka o koeficijentima, osnovicama, neto platama i naknadama vojnih lica u Oružanim snagama Bosne i Hercegovine te policijskih službenika Granične policije Bosne i Hercegovine, Federalnog Ministarstva unutrašnjih poslova i Ministarstva unutrašnjih poslova Republike Srpske. Rad je pripremljen za zahtjev ovlaštenog naručioca. Korištene su osnovice za obračun plata utvrđene za 2024. godinu. Pored predstavljenih neto plata, zbog drugačijeg obračuna, za policijske službenike u Ministarstvu unutrašnjih poslova Republike Srpske su predstavljene i bruto plate.

Oružane snage Bosne i Hercegovine

Koeficijenti, osnovice i neto plate

Zakon o platama i naknadama u institucijama Bosne i Hercegovine,¹ Zakon o službi u oružanim snagama Bosne i Hercegovine i odluke Savjeta ministara Bosne i Hercegovine (u daljem tekstu Savjet ministara) na prijedlog ministra odbrane, regulišu plate i naknade profesionalnih vojnih lica u Oružanim snagama Bosne i Hercegovine, koje se finansiraju iz Budžeta institucija Bosne i Hercegovine i međunarodnih obaveza.

Platni razred je klasifikacioni element koji se utvrđuje za svako radno mjesto u institucijama Bosne i Hercegovine, pa tako i u Oružanim snagama, prema sljedećim kriterijumima: vrsti poslova, složenosti poslova radnog mjesta, vrsti i stepenu školske spreme, radnom iskustvu, opštim i posebnim znanjima i vještinama utvrđenim pravilnikom, a prema opisu poslova i zadataka, odgovornosti radnog mjesta u odnosu na ukupno funkcionisanje institucije kao i na osnovu objektivnih kriterijuma mjerenja vrijednosti posla.

Plata profesionalnih vojnih lica utvrđuje se u bruto i neto iznosu. Plata u bruto iznosu obuhvata neto platu, poreze i doprinose. Plata u neto iznosu sastoji se od osnovne plate, dodatka na platu i nagrade. Osnovna plata profesionalnog vojnog lica je vrijednost koeficijenta ličnog čina umnoženog s osnovom za obračun plate uvećan za 0,5% za svaku godinu navršenog ukupnog penzijskog staža. Osnovica za obračun plate je utvrđeni iznos u konvertibilnim markama (u daljem tekstu BAM) koji se koristi za određivanje osnovne plate. Osnovica za obračun plate zaposlenim u institucijama Bosne i Hercegovine za 2024. godinu utvrđena je u iznosu od 600,00 BAM.² Platni razredi, koeficijenti i iznos osnovne neto plate za profesionalna vojna lica i imenovana profesionalna vojna lica prikazani su u tabelama broj 1 i broj 2.

¹ Zakon o platama i naknadama u institucijama Bosne i Hercegovine, Službeni list Bosne i Hercegovine, internet stranica, <http://www.sluzbenilist.ba/page/akt/pGvZfrNuhts=> (datum pristupa 14.11.2024.)

² Odluka o visini osnovice za obračun plate zaposlenim u institucijama Bosne i Hercegovine za 2024. godinu, „Službeni list Bosne i Hercegovine, 52/24“ internet stranica <http://www.sluzbenilist.ba/page/akt/rSe8vqegSQo=> (datum pristupa 14.11.2024.)

Tabela br 1: Platni razredi, koeficijenti i iznos osnovne neto plate za profesionalna vojna lica			
Platni razred	Čin	Koeficijent	Iznos osnovne neto plate u BAM
1	Vojnik	1,40	840
2	Vojnik I klase	1,45	870
3	Desetar	1,50	900
4	Narednik	1,55	930
5	Viši narednik	1,60	960
6	Narednik I klase	1,66	996
7	Štabni narednik	1,69	1.014
8	Glavni narednik	1,80	1.080
9	Potporučnik	2,10	1.260
10	Poručnik	2,20	1.320
11	Kapetan	2,30	1.380
12	Major	2,45	1.470
13	Pukovnik	2,67	1.602
14	Brigadir	3,16	1.896

Tabela br 2: Platni razredi, koeficijenti i iznos osnovne neto plate za imenovana profesionalna vojna lica			
Platni razred	Čin	Koeficijent	Iznos osnovne neto plate u BAM
A1	General-pukovnik	8,0	4.800
A2	General-major	6,50	3.900
A3	Brigadni general	6,00	3.600

Posebni dodaci

Pripadnicima Oružanih snaga Bosne i Hercegovine, odnosno profesionalnim vojnim licima pripada pravo na poseban dodatak za pripadnike Oružanih snaga Bosne i Hercegovine do 30% od osnovne plate, s tim da ukupan fond ovog dodatka ne može biti veći od 20% budžeta predviđenog za osnovne plate pripadnika Oružanih snaga Bosne i Hercegovine.

Savjet ministara je, na prijedlog ministra odbrane, na 68. sjednici održanoj 3. decembra 2008. godine, donio Odluku o posebnim dodacima na platu za profesionalna vojna lica u Ministarstvu odbrane i Oružanim snagama Bosne i Hercegovine.³ Ovim podzakonskim aktom se utvrđuju specifični dodaci na osnovnu platu za pripadnike Oružanih snaga Bosne i Hercegovine kao što su: deminerski dodatak, letački dodatak, dodatak za pripadnike jedinice oružanih snaga za uništavanje neeksplozivnih ubojitih sredstava za vrijeme obuke, dodatak za službu na izdvojenim visinskim objektima i drugim dužnostima na kojima su lica izložena djelovanjima

³Odluka o posebnim dodacima na platu za profesionalna vojna lica u Ministarstvu odbrane i Oružanim snagama Bosne i Hercegovine, Službeni glasnik Bosne i Hercegovine, internet stranica <http://www.sluzbenilist.ba/page/akt/Cpgztz5k76kjin45hGF2nOZXm> (datum pristupa 14.11.2024.)

štetnim za zdravlje. Imenovanim profesionalnim vojnim licima sa činom generala ne pripada pravo na dodatke.

Savjet ministara, na prijedlog ministra odbrane Bosne i Hercegovine, donosi podzakonski akt kojim se utvrđuje poseban dodatak na osnovnu platu profesionalnim vojnim licima na poslovima rukovođenja u Oružanim snagama Bosne i Hercegovine (položajni dodatak), s tim da ukupan fond ovog dodatka ne može biti veći od 3% osnovne plate profesionalnih vojnih lica koja imaju pravo na položajni dodatak.

Kao primjer dodatka na platu na osnovu Odluke o kriterijima za utvrđivanje dodatka na platu na osnovu obavljanja složenih informatičko-aplikacionih poslova u institucijama Bosne i Hercegovine, na prijedlog Ministarstva odbrane Bosne i Hercegovine, Savjet ministara na 49. sjednici, održanoj 20.04.2022. godine, donio je Odluku o dodatku na platu na osnovu obavljanja složenih informatičko-aplikacionih poslova zaposlenih u Ministarstvu odbrane i oružanim snagama Bosne i Hercegovine. Na osnovu ove Odluke utvrđen je postotak dodatka na platu zaposlenih sa visokom školskom spremom na osnovu obavljanja složenih informatičko-aplikacionih poslova u Oružanim snagama Bosne i Hercegovine.⁴ Neki od primjera dodataka na platu dobili su:

- brigadir/šef Odsjeka za telekomunikacijsku i informatičku podršku je na osnovu upravljanja i projektovanja procesa i upravljačkih aplikacija, implementacije procesa i upravljačkih procesa i testiranja procesa i upravljačkih procesa dobio dodatak na platu u povećanju od 15%;
- major/oficir za hardver i umrežavanje je na osnovu implementacije procesa i upravljačkih aplikacija, testiranje procesa i upravljačkih aplikacija održavanje procesa i upravljačkih aplikacija dobio dodatak na platu u visini od 10%;
- brigadir/stručni savjetnik za sigurnost komunikacija je na osnovu implementacije procesa i upravljačkih aplikacija, testiranja procesa i upravljačkih aplikacija i održavanja procesa i upravljačkih aplikacija dobio dodatak na platu u povećanju od 8%;
- major/oficir za administriranje hardvera, softvera u umrežavanje S-6 je na osnovu implementacija procesa i upravljačkih aplikacija, obuka korisnika o održavanju procesa i upravljačkih aplikacija dobio uvećanje na platu od 8% i
- kapetan/oficir za komunikacije i informacijske sisteme je dobio uvećanje plate za 6% na osnovu obuke korisnika i održavanje procesa i upravljačkih aplikacija

Profesionalno vojno lice kojem pripada pravo na poseban dodatak od 20% ne ostvaruje pravo na naknadu za rad duži od zakonom određenog redovnog radnog vremena, za rad noću, za rad u dane državnih praznika, dežurstvo, kao i za obavezno prisustvo i pripravnost.

Privremeno raspoređeno na drugu dužnost u Oružanim snagama, Ministarstvu odbrane Bosne i Hercegovine ili u drugom organu državne uprave, državnoj agenciji, odnosno pravnom licu, profesionalno vojno lice ima pravo na platu i druga novčana primanja njegovog prethodnog formacijskog mjesta ako je to za njega povoljnije.

⁴ Odluka o dodatku na platu na osnovu obavljanja složenih informatičko-aplikacionih poslova zaposlenih u Ministarstvu odbrane i Oružanim snagama Bosne i Hercegovine, Službeni list Bosne i Hercegovine, internet stranica <http://www.sluzbenilist.ba/page/akt/TiOohz4nh78h77r3N7onE=> (datum pristupa 20.11.2021.)

Profesionalnom vojnom licu može biti dodijeljena novčana nagrada za izuzetne uspjehe u radu i djela važna za Oružane snage Bosne i Hercegovine. Propise o takvoj nagradi uređuje ministar odbrane.

Naknade za prevoz, topli obrok, smještaj i odvojen život

Profesionalnom vojnom licu pripada naknada troškova prevoza za dolazak na posao i povratak s posla. Visina mjesečne naknade troškova prevoza na posao i prevoza s posla koja se isplaćuje zaposlenom ne može biti veća od 400 BAM.

Profesionalnim vojnim licima, za dane kada se nalaze na dužnosti, pripada novčana naknada za troškove toplog obroka ako nemaju besplatan obrok na radnom mjestu u skladu s Odlukom Savjeta ministara. Posljednja Odluka Savjeta ministara, donesena na sjednici održanoj 28.7.2022. godine, određuje novčanu naknadu na ime ishrane tokom rada od 11 BAM za svaki dan proveden na radu.⁵

Profesionalno vojno lice ima pravo na mjesečnu naknadu troškova smještaja od dana stupanja na dužnost pod uslovom da mu je mjesto prebivališta udaljeno više od 80 km od mjesta službe u Oružanim snagama Bosne i Hercegovine i Ministarstvu obrane Bosne i Hercegovine u koju je raspoređen, i to:

- profesionalno vojno lice-general ima pravo na mjesečnu naknadu troškova smještaja u iznosu do osnovice za obračun plate koja za 2024. godinu iznosi 600 BAM,
- profesionalno vojno lice-oficir ima pravo na mjesečnu naknadu troškova smještaja u iznosu od 60% osnovice za obračun plate zaposlenim u institucijama Bosne i Hercegovine koja se primjenjuje u mjesecu za koji se vrši obračun naknade,
- profesionalno vojno lice-podoficir ima pravo na mjesečnu naknadu troškova smještaja u iznosu do 50% osnovice za obračun plate zaposlenim u institucijama Bosne i Hercegovine koja se primjenjuje u mjesecu za koji se vrši obračun naknade i
- profesionalno vojno lice-vojn timer ima pravo na mjesečnu naknadu troškova smještaja u iznosu do 30% osnovice za obračun plate zaposlenim u institucijama Bosne i Hercegovine koja se primjenjuje u mjesecu za koji se vrši obračun naknade.

Ako je profesionalnom vojnom licu obezbjeđen smještaj od strane poslodavca isti nema pravo na naknadu troškova smještaja.

Profesionalno vojno lice koje je premješteno po potrebi službe ima pravo na mjesečnu naknadu za odvojeni život u iznosu od 300 BAM od dana stupanja na dužnost, pod uslovom da mu je mjesto prebivališta udaljeno više od 80 km od mjesta službe u Oružanim snagama Bosne i Hercegovine i Ministarstva odbrane Bosne i Hercegovine u koju je raspoređen. Osim u slučaju da je premješteno na vlastiti zahtjev nema pravo na naknadu.⁶

⁵ Odluka o izmjeni odluke o visini novčane naknade zaposlenim u institucijama Bosne i Hercegovine za ishranu tokom rada, Službeni list Bosne i Hercegovine, internet stranica <http://www.sluzbenilist.ba/page/akt/4qte5owW7kg=> (datum pristupa 23.11.2024.)

⁶ Odluka o načinu i postupku ostvarivanja prava zaposlenih u institucijama Bosne i Hercegovine na troškove smještaja, naknadu za odvojeni život i naknadu za privremeno raspoređivanje, Službeni list, internet stranica <http://www.sluzbenilist.ba/page/akt/ggOOg4ODQOc=> (datum pristupa 23.11.2024.)

Granična policija Bosne i Hercegovine

Koeficijenti, osnovice, neto plate

Policijski službenici Bosne i Hercegovine za svoj rad primaju platu, dodatke i ostale naknade propisane Zakonom o platama i naknadama u institucijama Bosne i Hercegovine, Zakonom o radu u institucijama Bosne i Hercegovine, Zakonom o policijskim službenicima Bosne i Hercegovine, podzakonskim aktima Savjeta ministara, na prijedlog Ministarstva bezbjednosti Bosne i Hercegovine i pojedinačnih rješenja o utvrđivanju dodataka koje donosi direktor policijske agencije na osnovu podzakonskog akta.

Plata policijskog službenika veže se uz njegov čin dok je osnovica za obračun plate zaposlenih za 2024. godinu utvrđena u iznosu od 600,00 BAM. U tabelama broj 3 i 4 su predstavljeni platni razredi, koeficijenti i iznos osnovne neto plate za policijske službenike i imenovane policijske službenike Bosne i Hercegovine.

Tabela br 3: Platni razredi, koeficijenti i iznos osnovne neto plate za policijske službenike Bosne i Hercegovine			
Platni razred	Čin	Koeficijent	Iznos osnovne neto plate u BAM
1	Policajac	1,60	960
2	Stariji policajac	1,75	1.050
3	Narednik	1,90	1.140
4	Stariji narednik	2,10	1.260
5	Mlađi inspektor	2,30	1.380
6	Inspektor	2,55	1.530
7	Viši inspektor	2,93	1.758
8	Samostalni inspektor	3,25	1.950
9	Glavni inspektor	4,20	2.520

Tabela br 4: Platni razredi, koeficijenti i iznos osnovne neto plate za imenovane policijske službenike Bosne i Hercegovine			
Platni razred	Radno mjesto	Koeficijent	Iznos osnovne neto plate u BAM
A1	Direktor policijske agencije-glavni generalni inspektor	8,0	4.800
A2	Zamjenik direktora-generalni inspektor policije	6,50	3.900
A3	Pomoćnik direktora-glavni inspektor	5,51	3.306

Odluku o visini, načinu i postupku ostvarivanja prava na naknadu za prijevoz na posao i prijevoz s posla u institucijama Bosne i Hercegovine, Službeni list Bosne i Hercegovine, <http://www.sluzbenilist.ba/page/akt/9V8ocqptyKw=> (datum pristupa 23.11.2024.)

Posebni dodaci

Policijskim službenicima pripada pravo na poseban dodatak (policijski dodatak) i to pojedinačno najviše do 40% od osnovne plate, s tim da ukupan fond za isplate policijskog dodatka iz ovog stava ne može biti veći od 35% budžeta predviđenog za osnovne plate policijskih službenika na koji se odnosi dodatak iz ovog stava.

Za razliku od profesionalnih vojnih lica u slučaju prekovremenog rada, rada u neradne dane, noćnog ili rada u dane državnih praznika, policajci imaju pravo na naknadu osnovne plate, srazmjerno vremenu trajanja tog rada, uvećanu za: prekovremeni rad 25%, rad u neradne dane 25%, noćni rad 30% te rad nedjeljom i rad u dane državnih praznika 35%. Na prijedlog rukovodioca, ministar bezbjednosti podzakonskim aktom utvrđuje isplate i iznos ovih naknada.

Rukovodilac može rasporediti policijskog službenika, uz njegovu saglasnost, na radno mjesto za koje je propisan niži čin od onog koji službenik ima, a u posebnim slučajevima i bez njegove saglasnosti. Za vrijeme takvog rasporeda policijski službenik zadržava svoj čin, platu, povećanje i naknade u skladu sa relevantnim zakonima.⁷

Naknade za prevoz, topli obrok, smještaj i odvojen život

Naknada troškova prevoza policijskog službenika za dolazak na posao i povratak s posla koja mu se isplaćuje ne može biti veća od 400 BAM.

Kao kod profesionalnih vojnih lica, za dane kada se nalaze na dužnosti i policijskim službenicima pripada novčana naknada za troškove toplog obroka, ako nemaju besplatan obrok na radnom mjestu u skladu s odlukom Savjeta ministara Bosne i Hercegovine. Posljednja odluka Savjeta ministara, donesena na sjednici održanoj 28.7.2022. godine, određuje novčanu naknadu na ime ishrane tokom rada od 11 BAM za svaki dan proveden na radu.⁸

Policijski službenik sa činom glavni generalni inspektor policije, generalni inspektor policije, glavni inspektor i samostalni inspektor ima pravo na mjesečnu naknadu troškova smještaja, pod uslovom da mu je mjesto prebivališta udaljeno od mjesta obavljanja službenih dužnosti više od 80 km, i to:

- policijski službenik sa činom glavni generalni inspektor policije i generalni inspektor policije ima pravo na mjesečnu naknadu troškova smještaja u iznosu od osnovice koja za 2024. godinu iznosi 600 BAM,
- policijski službenik sa činom glavni inspektor ima pravo na mjesečnu naknadu troškova smještaja u iznosu od 80% osnovice za obračun plate zaposlenih u institucijama Bosne i Hercegovine koja se primjenjuje u mjesecu za koji se vrši obračun naknade.
- policijski službenik sa činom samostalni inspektor ima pravo na mjesečnu naknadu troškova smještaja u iznosu od 60% osnovice za obračun plate zaposlenim u

⁷ Zakon o policijskim službenicima Bosne i Hercegovine, Službeni list Bosne i Hercegovine, internet stranica <http://www.sluzbenilist.ba/page/akt/DCwqUk4VBtY=> (datum pristupa 20.11.2024.)

⁸ Odluka o izmjeni odluke o visini novčane naknade zaposlenim u institucijama Bosne i Hercegovine za ishranu tokom rada, Službeni list Bosne i Hercegovine, internet stranica <http://www.sluzbenilist.ba/page/akt/4qte5owW7kg=> (datum pristupa 23.11.2024.)

institucijama Bosne i Hercegovine koja se primjenjuje u mjesecu za koji se vrši obračun naknade.

U izuzetnim slučajevima, gdje je nužno obezbijediti nacionalnu zastupljenost zaposlenih, direktor policijske agencije može, uz mišljenje resornog ministra, utvrditi pravo na mjesečnu naknadu troškova smještaja i za policijskog službenika sa činom viši inspektor u iznosu od 60% osnovice za obračun plate zaposlenim u institucijama Bosne i Hercegovine koja se primjenjuje u mjesecu za koji se vrši obračun naknade, pod uslovom da mu je mjesto prebivališta udaljeno od mjesta obavljanja službenih dužnosti više od 80 km.

Policijski službenik s činom glavni generalni inspektor policije, generalni inspektor policije, glavni inspektor i samostalni inspektor ima pravo na mjesečnu naknadu za odvojeni život u iznosu od 300 BAM, pod uslovom da mu je mjesto prebivališta udaljeno od mjesta obavljanja službenih dužnosti više od 80 km.⁹

Federalno ministarstvo unutrašnjih poslova

Koeficijenti, osnovice, neto plate

Zakon o platama i naknadama policijskih službenika Federacije Bosne i Hercegovine¹⁰ uređuje plate, platne razrede i koeficijente za platne razrede policijskih službenika Federacije Bosne i Hercegovine, naknade kao i druga pitanja koja se odnose na primanja policijskih službenika te primjenu ovoga Zakona u kantonima.

Finansijska sredstva za plate, naknade i druga primanja policijskih službenika osiguravaju se u budžetu Federacije Bosne i Hercegovine. Plaća policijskoga službenika utvrđuje se u neto i bruto iznosu, gdje bruto iznos obuhvata neto platu, poreze i doprinose.

Osnovnu platu određuje osnovica pomnožena s koeficijentom platnoga razreda i iznos uvećanja ostvaren po osnovi radnoga staža, što iznosi 0,5% za svaku punu godinu radnog staža, s tim da ukupno povećanje ne može biti veće od 20%. Koeficijent za platu policijskog službenika veže se uz njegov čin. Osnovna plata ne može biti manja od 70% prosječne neto plate isplaćene u Federaciji Bosne i Hercegovine prema posljednjem objavljenom statističkom podatku. Puno radno vrijeme policijskoga službenika je 40 sati sedmično.

Odlukom o davanju saglasnosti na sporazum o osnovici i bodu za obračun plata¹¹ se utvrđuje osnovica u iznosu od 425 BAM i bod u iznosu od 1,00 za obračun plata u organima vlasti

⁹ Odluka o izmjenama i dopuni odluke o načinu i postupku ostvarivanja prava zaposlenih u institucijama Bosne i Hercegovine na troškove smještaja, naknadu za odvojeni život i naknadu za privremeno raspoređivanje, Službeni list Bosne i Hercegovine, internet stranica <http://www.sluzbenilist.ba/page/akt/2vb0ytOwZvU=> (datum pristupa 20.11.2024.)

¹⁰ Zakon o platama i naknadama policijskih službenika federacije Bosne i Hercegovine, Službeni list Bosne i Hercegovine, internet stranica <http://www.sluzbenilist.ba/page/akt/xncq3tetwcq=> (datum pristupa 20.11.2024.)

¹¹ Odluka o davanju saglasnosti na sporazum o osnovici i bodu za obračun plata, Službeni list Bosne i Hercegovine, internet stranica <http://www.sluzbenilist.ba/page/akt/doNyHQggtz5k76kjin45h09o=> (datum pristupa 20.11.2024.)

Federacije Bosne i Hercegovine u fiskalnoj 2024. godini.¹² Platni razredi, čin, koeficijent i iznos neto plate za policijske službenike su predstavljeni u Tabeli broj 5.

Tabela br 5: Platni razredi, koeficijenti i iznos neto plate za policijske službenik			
Platni razred	Čin	Koeficijent	Iznos osnovne neto plate u BAM
XI	Policajac	2.70	1.147,50
X	Stariji policajac	2.90	1.232,50
IX	Narednik	3.10	1.317,50
VIII	Stariji narednik	3.30	1.402,50
VII	Mlađi inspektor	3.60	1.530
VI	Inspektor	4.00	1.700
V	Viši inspektor	4.30	1.827,50
IV	Samostalni inspektor	4.90	2.082,50
III	Glavni inspektor	5.90	2.507,50
II	Generalni inspektor policije	6.95	2.953,75
I	Glavni generalni inspektor policije	8.20	3.485

Posebni dodaci

Poseban dodatak na platu za policijske službenike iznosi do 30% osnovne plate, dok takav dodatak za policijskog službenika raspoređenog na poslove i zadatke u Specijalnoj policijskoj jedinici iznosi do 50% od osnovne plate. Ovi postoci se računaju bez dijela plate od 5% po osnovu radnog staža za svaku punu godinu.

Rukovodilac može rasporediti policijskog službenika, uz njegovu saglasnost, na radno mjesto za koje je propisan niži čin od onog koji službenik ima, a u izuzetnim slučajevima i bez njegove saglasnosti. Za vrijeme takvog rasporeda policijski službenik zadržava svoj čin, platu, povećanje i naknade.¹³ Na osnovu izuzetnih i objektivno ocijenjenih radnih rezultata policijskog službenika, direktor policije može odlučiti o jednokratnom dodatku na platu tom službeniku do 30 % osnovne plate.

U slučaju prekovremenog rada, rada u neradne dane, noćnog rada i rada u dane državnih praznika, policijski službenik ima pravo na naknadu osnovne plate. Osnovna plata policijskog službenika koji radi prekovremeno uvećava se za 40% ukoliko je prekovremeni rad bio u periodu između 22 sata i 7 sati i 30%, ukoliko je prekovremeni rad bio u periodu između 7 sati i 22 sata.¹⁴

¹² Federalno ministarstvo unutrašnjih poslova, internet stranica http://www.fmup.gov.ba/v2/aktuelno.php?akt_id=722 (datum pristupa 20.11.2024.)

¹³ Zakon o unutrašnjim poslovima Federacije Bosne i Hercegovine, Službeni list Bosne i Hercegovine, internet stranica <http://glasila.ba/page/akt/kSH5Fohz4nh78h77YTbZ8=> (datum pristupa 22.11.2024.)

¹⁴ Zakon o policijskim službenicima Federacije Bosne i Hercegovine, Službeni list Bosne i Hercegovine, internet stranica <http://sluzbenilist.ba/page/akt/Hna0Uf8NM90=> (datum pristupa 22.11.2024.)

Naknade za prevoz, topli obrok, smještaj i odvojen život

Policijском službeniku kojemu nije organiziran službeni prevoz na posao i s posla, a čije je mjesto stanovanja udaljeno od mjesta rada najmanje 2 km, pripada naknada za troškove prevoza u visini mjesečne karte gradskog, prigradskog i međugradskog prijevoza. U međugradski prevoz spadaju mjesta udaljena od mjesta rada do 70 km.

Policijски službenik ima pravo na naknadu za obrok (bonovi za ručak) za vrijeme rada samo za dane prisutnosti na poslu. Policijски službenici raspoređeni u organizacijskim jedinicama Federalnog ministarstva unutrašnjih poslova ostvaruju pravo za obrok u obliku naknade za ishranu za vrijeme rada u iznosu od 1% prosječne plate u Federaciji prema posljednjem objavljenom statističkom podatku. Policijски službenici raspoređeni u Specijalnoj policijskoj jedinici, pored pomenute naknade od 1%, ostvaruju pravo na obrok u restoranu Specijalne policijske jedinice.¹⁵

Policijски službenik čije je mjesto prebivališta udaljeno više od 70 km od mjesta rada ima pravo na naknadu troškova smještaja u mjestu rada u iznosu i na način koji utvrdi Vlada Federacije Bosne i Hercegovine za državne službenike i namještenike. Na osnovu toga, Uredbom o naknadama koje nemaju karakter plate¹⁶ propisano je da:

- rukovodeći državni službenik čije je mjesto prebivališta udaljeno više od 70 kilometara od mjesta organa državne službe u kojem vrši službenu dužnost ima pravo na naknadu troškova za odvojeni život od porodice u visini od 250 BAM mjesečno,
- državni službenik i namještenik, čije je mjesto prebivališta udaljeno više od 70 kilometara od mjesta organa državne službe u kojem vrši službenu dužnost, ima pravo na naknadu troškova smještaja u mjestu rada u visini od 299 BAM mjesečno.

Pomenuti službenici koje imaju osiguran službeni smještaj, ali za smještaj plaćaju naknadu za zakup stana, imaju pravo na naknadu troškova smještaja u visini od 149 BAM mjesečno.¹⁷

Primjer Kantona Sarajevo

Svaki od deset kantona u Federaciji Bosne i Hercegovine ima vlastitu zakonodavnu, izvršnu i sudsku vlast, kao i niz isključivih nadležnosti među kojima je i kantonalna policija. Pored propisa Federacije Bosne i Hercegovine prava policijskih službenika se regulišu i kantonalnim zakonima i kolektivnim ugovorima. Kao primjer u ovom radu nalazi se spisak relevantnih propisa Kantona Sarajevo.

Obračun plata i naknada policijskih službenika vrši se u skladu sa Zakonom o radu Federacije Bosne i Hercegovine, Zakonu o platama i naknadama policijskih službenika Federacije Bosne i Hercegovine, Zakona o policijskim službenicima Kantona Sarajevo, Zakon o unutrašnjim poslovima Kantona Sarajevo i Kolektivnim ugovorom između Vlade Kantona Sarajevo i Sindikata policije Kantona Sarajevo. Kolektivnim ugovorom je utvrđena najniža plata zaposlenom u činu policajca u visini od 70% prosječne neto plate isplaćene po zaposlenom,

¹⁵ Članovi 22. i 23 Zakona o policijskim službenicima Federacije Bosne i Hercegovine

¹⁶ Uredba o naknadama koje nemaju karakter plate ("Službene list Federacije BiH", br. 63/10, 22/11, 66/11, 51/12, 99/22, 15/23 i 68/23)

¹⁷ Izvor: Poreska uprava Federacije Bosne i Hercegovine <https://www.pufbih.ba/v1/public/upload/zakoni/371d8-uredba-o-naknadama-koje-nemaju-karakter-place-preciscen-tekst.pdf> (datum pristupa 21.11.2024.)

prema posljednjim objavljenim statističkim podacima u Federaciji Bosne i Hercegovine, a koeficijenti za obračun plate policijskih službenika su usklađeni sa koeficijentima propisanim Zakonom o platama i naknadama policijskih službenika u Federaciji Bosne i Hercegovine.

Ministarstvo unutrašnjih poslova Republike Srpske

Koeficijenti, osnovice, neto plate

Plate policijskih službenika zaposlenih u Ministarstvu unutrašnjih poslova Republike Srpske uređene su Zakonom o policiji i unutrašnjim poslovima Republike Srpske, Zakonom o platama zaposlenih u Ministarstvu unutrašnjih poslova Republike Srpske i Posebnim kolektivnim ugovorom za zaposlene u oblasti unutrašnjih poslova Republike Srpske. Takođe, određena prava i obaveze zaposlenih u oblasti unutrašnjih poslova regulisane su Zakonom o državnim službenicima, Zakonom o republičkoj upravi i Zakonom o radu Republike Srpske.

Plata policijskog službenika se sastoji od osnovne plate, uvećanja plate i propisanih naknada. To predstavlja bruto platu u kojoj su sadržani porezi na dohodak i doprinosi. Sredstva za plate obezbjeđuju se u budžetu Republike Srpske. Od bruto plate se uplaćuju doprinosi za penzijsko i invalidsko osiguranje, zdravstveno osiguranje, dječiju zaštitu, osiguranje od nezaposlenosti i porez. Ostatak čini neto platu policijskog službenika.


Osnovna plata obračunava se mjesečno za puno radno vrijeme, prema radnom mjestu na koje je zaposleni raspoređen i odgovarajućoj platnoj grupi. Takva plata je proizvod cijene rada kao izraza vrijednosti za najjednostavniji rad i koeficijenta utvrđenog prema platnoj grupi.¹⁸ Cijena rada za zaposlene u oblasti unutrašnjih poslova iznosi 110 BAM.¹⁹ Uvećana osnovna plata za svaku navršenu godinu staža iznosi 0,3% do navršenih 25 godina staža a nakon 25 godina staža 0,5%. Naknade u visini do 35% osnovne plate za težinu, prirodu posla i posebne uslove rada i naknada za topli obrok i regres uračunate su u osnovnu platu i ne mogu se posebno iskazivati.

U zavisnosti od poslova i zadataka za policijske službenike propisani su koeficijenti za obračun osnovne bruto plate. Zbog velikog broja različitih pozicija razvrstanih u platne grupe od 1 do 31 koeficijenti, bruto i neto plata su predstavljeni u infografici od broja 1 do 7.


¹⁸ Članovi od 1. do 5., Zakona o platama u ministarstvu unutrašnjih poslova Republike Srpske, Narodna skupština Republike Srpske, internet stranica <https://www.narodnaskupstinars.net/?q=la/akti/usvojeni-zakoni/zakon-o-platama-zaposlenih-u-ministarstvu-unutra%C5%A1njih-poslova-republike-srpske-0> i Zakon o izmjenama Zakona o platama zaposlenih u Ministarstvu unutrašnjih poslova Republike Srpske, internet stranica <https://www.narodnaskupstinars.net/?q=la/akti/usvojeni-zakoni/zakon-o-izmjenama-zakona-o-platama-zaposlenih-u-ministarstvu-unutra%C5%A1njih-poslova-republike-srpske-2> (datum pristupa 27.11.2024.)

¹⁹ Vlada Republike Srpske, Odluke o utvrđivanju cijene rada za sva zaposlena lica u javnim ustanovama u oblasti zdravstva i javnim službama Republike Srpske, internet stranica <https://vladars.rs/sr-SP-Cyrl/Vlada/Ministarstva/MZSZ/media/vijesti/Pages/odluka-o-cijeni-rada.aspx> (datum pristupa 27.11.2024.)


Infografika br 1. Koeficijenti za obračun osnovne bruto plate, bruto plata i neto plata policijskih službenika policijskih službenika Republike Srpske platnih grupa od III do VI.




Infografika br 2. Koeficijenti za obračun osnovne bruto plate, bruto plata i neto plata policijskih službenika policijskih službenika Republike Srpske platnih grupa od VII do X.




Infografika br 3. Koeficijenti za obračun osnovne bruto plate, bruto plata i neto plata policijskih službenika Republike Srpske platnih grupa od XI do XIV.




Infografika br 4. Koeficijenti za obračun osnovne bruto plate, bruto plata i neto plata policijskih službenika Republike Srpske platnih grupa od XV do XIX.




Infografika br 5. Koeficijenti za obračun osnovne bruto plate, bruto plata i neto plata policijskih službenika Republike Srpske platnih grupa od XX do XXIV.



Infografika br 6. Koeficijenti za obračun osnovne bruto plate, bruto plata i neto plata policijskih službenika Republike Srpske platnih grupa od XXV do XXXI.



Infografika br 7. Koeficijenti za obračun osnovne bruto plate, bruto plata i neto plata policijskih službenika Republike Srpske platnih grupa od XXXII do XXXV.



²⁰ Grupa XVI je izostavljena jer ne obuhvata policijske službenike. U grafikonu su prikazane stručne spreme koje treba da posjeduju policijski službenici za određene platne grupe. Visoka stručna sprema VSS, Viša stručna sprema VŠS i Srednja stručna sprema SSS.

Posebni dodaci

Osnovna plata može da sadrži i varijabilni dio koji se odnosi na umanjeње u iznosu do 10% ili uvećanje u iznosu do 10% osnovne plate, u zavisnosti od postignutih rezultata u radu, u skladu sa budžetom organizacione jedinice Ministarstva unutrašnjih poslova. Policajcu specijalisti u Specijalnoj antiterorističkoj jedinici, sa srednjom stručnom spremom, pripada dodatna naknada u iznosu od 10% osnovne plate.

Policijski službenici ostvaruju pravo na uvećanje plate po osnovu rada noću i u dane republičkih praznika i druge dane koji su neradni u skladu sa zakonom. Ukoliko ne postoje uslovi za isplatu naknade za prekovremeni rad, takav rad se tromjesečno preračunava u slobodne dane ili sate. Na osnovu vanrednih i objektivno ocijenjenih rezultata rada policijskog službenika, na prijedlog rukovodioca organizacione jedinice, ministar će službeniku dodijeliti jednokratnu novčanu nagradu u visini 50%, 70% ili 100% plate policijskog službenika ostvarene u prethodnom mjesecu. Takva nagrada se može isplatiti istom službeniku samo jednom godišnje za jedan mjesec.²¹

Naknade za prevoz, topli obrok, smještaj i odvojen život

Naknada za topli obrok uračunata je u osnovnu platu i ne može se posebno iskazivati.

Ministarstvo policijskim službenicima isplaćuje naknadu troškova prevoza za dolazak na posao i povratak sa posla, za službenike kojima je mjesto stanovanja udaljeno od mjesta rada više od četiri kilometra u visini pune cijene mjesečne prevozne karte u javnom saobraćaju.²²

Službenici Ministarstva koji po potrebi službe budu privremeno raspoređeni u mjesto udaljeno više od 60 kilometara od sjedišta organizacione jedinice imaju pravo na:

- naknadu za troškove prevoza od mjesta prebivališta do mjesta boravka najviše dva puta mjesečno u visini stvarnih troškova prevoza autobusom ili vozom prema priloženoj voznoj karti koju je službenik koristio i
- smještaj ili naknadu za smještaj u visini 10% cijene rada dnevno.²³

²¹ Posebni kolektivni ugovor za zaposlene u oblasti unutrašnjih poslova Republike Srpske, Ministarstvo unutrašnjih poslova Republike Srpske, internet stranica <https://mup.vladars.rs/lat/index.php?vijest=propisi&vrsta=podzakonskiakti> (datum pristupa 23.11.2024.)

²² Član 35. stav 2) Posebnog kolektivnog ugovora za zaposlene u oblasti unutrašnjih poslova Republike Srpske, Ministarstvo unutrašnjih poslova Republike Srpske

²³ Član 36. Posebnog kolektivnog ugovora za zaposlene u oblasti unutrašnjih poslova Republike Srpske, Ministarstvo unutrašnjih poslova Republike Srpske